



խորագրով բուհական դատախազը, Սոցիոլոգիայի ֆակուլտետի ՌԻԳԸ նախաձեռնությամբ՝ «Սոցքեմփ» սոցիալական ամենամյա ոչ ֆորմալ աշխատաժողովը (19 հունիսի, 2018 թ.), Միջազգային հարաբերությունների ՌԻԳԸ ջանքերով՝ պաղեստինա-իսրայելական հակամարտությանը նվիրված «ՄԱԿ մոդել» համաժողովը և այլն:

2017-18 ուստարում ՌԻԳԸ անդամներից շատերն արժանացել են տարաբնույթ մրցանակների: 2017 թ. Էդիկ Հարությունը ՀՀ-ն ներկայացրել է եգիպտական Շարմ Էլ Շեյխ քաղաքում կայացած «ՄԱԿ մոդել» սիմուլյացիոն աշխատաժողովի ժամանակ՝ ճանաչվելով լավագույն պատվիրակ: 2018 թ. փետրվարի 13-ին Վ. Շերենցը, Տ. Դադունցն ու Մ. Մարտիրոսյանը ՀՀ կրթության և գիտության նախարարության կողմից հայտարարված հանրապետական մրցույթի շրջանակներում ճանաչվել են հումանիտար և հասարակագիտան ոլորտներում ՀՀ տարվա լավագույն ուսանողներ:

Անցած ուստարվա ընթացքում ՌԻԳԸ մեծ թվով անդամներ մասնակցել են միջազգային գիտաժողովների ու համաժողովների Մոսկվայում, Սանկտ-Պետերբուրգում և Եկատերինբուրգում (ՌԴ), Փարիզում (Ֆրանսիա), Մյունխենում (ԳԴՀ), Վիեննայում (Ավստրիա), Ժեշուվում (Լեհաստան) և այլուր:

ՌԻԳԸ գործուն աջակցությամբ ապահովվել է ԵՊՀ ուսանողների մասնակցությունը ՀՀ պետական բուհերի կողմից կազմակերպված գիտաժողովներին և տարաբնույթ միջոցառումներին: Միևնույն ժամանակ ապահովվել է այլ բուհերի ուսանողների մասնակցությունը ԵՊՀ ՌԻԳԸ-ի կողմից կազմակերպված գիտաժողովներին:

ՌԻԳԸ-ն հաշվետու տարում հրատարակվել է ՀՀ ԲՈԿ-ի պահանջներին համապատասխանող գիտական հոդվածների 2017 թ. ժողովածուն (194 գիտական հոդված):

ՌԻԳԸ աշխատանքներին մասնակցում է մոտ 1000 ուսանող, որից ՌԻԳԸ կառուցվածքային ստորաբաժանումների անդամ է շուրջ 400-ը: Այլ բուհերից ու գիտահետազոտական կենտրոններից ԵՊՀ ՌԻԳԸ աշխատանքներում ներգրավված է շուրջ 300 սովորող: Հետաքրքրական է, որ ՌԻԳԸ աշխատանքներին անմիջականորեն աջակցող (գիտական հոդվածների ղեկավարում կամ գրախոսում, գիտաժողովների նիստերի նախագահում, սեմինարավարություն, լրացուցիչ դասախոսությունների անցկացում և այլն) դասախոսների թիվը կանոնապես ավելանում է՝ գերազանցելով 500-ը: ՌԻԳԸ հիմնադրման 70-ամյակի տոնական միջոցառումների շրջանակներում կառույցի հետ համագործակցող դասախոսների մասնագիտական և աշխատանքային փորձի, հմտությունների և հիշողությունների վերհանմանն էր ուղղված «Հետադարձ հայացք» ծրագիրը, որի ընթացքում ՌԻԳԸ-ն հյուրընկալել և հարցազրույցներ էր ունեցել ՌԻԳԸ նախկին նախագահներ Կ. Ավագյանի, Ա. Ալեքսանյանի, Ե. Միրզոյանի, Կ. Խաչատրյանի, Մ. Մալխասյանի և Ռ. Մարկոսյանի հետ:

ՌԻԳԸ-ում տեղի են ունեցել նաև կադրային և հաստիքային փոփոխություններ: 2018 թ. մայիսի 8-ին ՌԻԳԸ ԳԻՆ որոշմամբ ձևավորվել է Թարգմանական հարցերի հանձնաժողով: